



Broj: 01-01-1918/26
Sarajevo, 06.08.2026.godine

Na osnovu člana 70. stav (1), (3) i (6), člana 64. stav (1) tačka b) Zakona o javnim nabavkama („Službeni glasnik BiH”, broj: 39/14, 59/22 i 50/24), člana 14. stav (2) Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo” Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a na osnovu Preporuke Komisije, broj: 09/3-1865/26 od 05.08.2026.godine u ponovljenom postupku javne nabavke - Usluge najma sredstava za umnožavanje za potrebe Javne ustanove „Služba za zapošljavanje Kantona Sarajevo” Sarajevo, direktorica d o n o s i

**ODLUKU o izboru
najpovoljnijeg ponuđača**

Član 1.

Prihvata se Preporuka Komisije za javnu nabavku broj: 09/3-1865/26 od 05.08.2026.godine i ugovor za javnu nabavku u postupku - Usluge najma sredstava za umnožavanje za potrebe Javne ustanove „Služba za zapošljavanje Kantona Sarajevo” Sarajevo, dodjeljuje se ponuđaču „Emado” d.o.o. Sarajevo, za ponudenu cijenu u iznosu od 24.964,00 KM bez PDV-a.

Član 2.

Po konačnosti ove Odluke, prijedlog ugovora kojim će se regulisati međusobna prava i obaveze, dostavit će se na potpis izabranom ponuđaču „Emado” d.o.o. Sarajevo, uz obavezu da dostavi dokaze o ispunjavanju uslova za kvalifikaciju i to na način, u formi i u roku kako je iskazano sadržajem Tenderske dokumentacije, ukoliko iste nije dostavio uz ponudu.

Član 3.

Ova Odluka objavit će se na web stranici JU „Služba za zapošljavanje Kantona Sarajevo” Sarajevo, www.szks.ba, istovremeno s upućivanjem ponuđaču koji je učestvovao u postupku predmetne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke - Usluge najma sredstava za umnožavanje za potrebe Javne ustanove „Služba za zapošljavanje Kantona Sarajevo” Sarajevo broj: 01-01-0739/26 od 08.07.2026. godine, pokrenut je predmetni postupak javne nabavke. Predmetna nabavka provedena je putem konkurentskog zahtjeva za dostavu ponuda. Procijenjena vrijednost predmetne nabavke bez uračunatog PDV-a, iznosi 25.000,00 KM. Slijedom navedene Odluke, dana 13.07.2026. godine, Obavještenje o nabavci broj: 774-7-2-20-3-18/26, poslato je na objavu putem Portala javnih nabavki, zajedno sa Tenderskom dokumentacijom broj: 01/01-0755/26 od 13.07.2026. godine.

Po isteku roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-1791/26 od 21.07.2026. godine, pristupila je pregledu i analizi pristiglih ponuda, te nakon što je utvrđena blagovremenost i urednost dostave, konstatovala da je u predmetnom postupku zaprimljeno 2 (dvije) ponude, i to:

„Racional” d.o.o. Sarajevo, zaprimljena pod protokolarnim brojem 09/3-08/26 - JN dana 27.07.2026. godine.

„Emado” d.o.o. Sarajevo, zaprimljena pod protokolarnim brojem 09/3-09/26 - JN dana 27.07.2026. godine.

Istom prilikom navodeći da neblagovremeno pristiglih ponuda nije bilo, o čemu je sačinila odgovarajuće Zapisnike.

U nastavku evaluacije ponuda komisija je pristigle ponude ocijenila prihvatljivim.

Nadalje shodno utvrđenom kriteriju za dodjelu ugovora (najniža cijena prihvatljive ponude), te postupajući shodno Pravilniku o uslovima i načinu korištenja e-Aukcije („Službeni glasnik BiH”, broj: 80/23), zakazana je i uredno okončana E-aukcija. Nakon okončanja e-Aukcije donesena je Odluka o izboru najpovoljnijeg ponuđača br 01-01-1848/26 od 31.07.2026. godine. Odluka je uredno upućena ponuđačima u postupku. Dana 03.08.2026. godine prvorangirani ponuđač „Racional” d.o.o. Sarajevo je uputio akt Obavijest o odustajanju u kome isti odustaje od popisa ugovora. Komisija dana 05.08.2026 godine zakazuje sastanak te nakon razmatranja dopisa o odustajanju potpisa ugovora zbog nemogućnosti dostavljanja dokumentacije po članu 45 ZJN zaključuje da nisu ispunjeni uslovi za potpis ugovora i donosi preporuku ugovornom organu da zaključi ugovor sa drugorangiranim ponuđačem „Emado” d.o.o. Sarajevo.

U postupku donošenja ove Odluke, cijeneći da je Komisija pravilno i potpuno izvršila ocjenu prispjelih ponuda, te ocjenu kvalifikovanosti ponuđača, s obzirom na iskazane zahtjeve i uslove utvrđene okvirom sadržaja Tenderske dokumentacije, a u skladu sa dosljednom primjenom Zakona o javnim nabavkama, pripadajućim podzakonskim i internim aktima, a postupajući po Preporuci Komisije broj: 09/3-1865/26 od 05.08.2025.godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana, od dana prijema iste, Uredu za razmatranje žalbi, putem ovog Ugovornog organa, a u skladu sa članom 99. i 101. Zakona o javnim nabavkama.

Dostaviti:

- Učesnicima u postupku,
- Jedinici za nabavke,
- Odjeljenje za informatičke poslove (radi objave na web)
- Evidenciji,
- A/a.



Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel/++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

